

玉

海

十四

玉海卷第二十六

浚儀王應麟伯厚甫

帝學

帝學

學之一字高宗與傳說始言之開萬世聖學之源

神農師悉諸黃帝師大撓顓帝師伯夷受學於

綠圖高辛師伯招堯師子州支學君疇

尹壽

舜師

許由

莊子云堯師許由

學務成招禹師大成摯學西王國

湯學威子伯學於伊尹高宗學甘盤文王師太公

望學子期武王問丹書於尙父訪洪範於箕子學

號叔成王師周公學有緝熙于光明穆天子傳
盡書于羽陵讀書于荔邱癸巳于羣玉之山先王
之所謂策府

蘇圖高漢講六藝羣書石渠論六經

紀宣帝高才好學師受詩論語孝經王褒傳宣帝
修武帝故事講論六藝羣書召能爲楚辭九江被公
召見誦讀召高才劉向張子僑華龍柳褒等待詔金
馬門公孫弘傳贊孝宣講論六藝招選茂異而蕭望
之梁邱賀夏侯勝韋元成嚴彭祖尹更始以儒術進

翟酺傳孝宣論六經於石渠注甘露三年詔諸儒

講五經於殿中兼平公穀同異上親臨決時更崇穀
梁傳故言六經 武帝憲章六學積思六經

漢講論五經

見白虎議奏 孝宣本始四年四月詔博問經學之
士元康元年八月詔朕不明六藝鬱于大道 帝王
圖籍日陳于前

漢禁中授經

侍講

華光殿侍講

注

籍

世祖召桓榮說尚書善之入授太子朝會於公卿前
敷奏經書 和帝卽位竇憲上疏曰昭帝八歲卽位

大臣輔政選名儒韋賢

魯詩

蔡義

韓詩

夏侯勝

歐陽尚書

等入

授於前卒成聖德近建初元年張酺魏應召訓講禁

中昔五更桓榮爲帝師子郁傳父業再以校尉入授

先帝

章和二年五月詔長樂少府桓郁侍講禁中

父子給事禁省更歷四

世又宗正劉方善爲詩經宜令郁方竝入教授由是

復入侍講郁子焉順帝時以太傅入授經禁中焉兄

孫彬桓帝初爲議郎入侍講禁中

肅宗令馬嚴勸

學省中

注王鳳薦班伯宜勸學

王吉云明師居前

勸誦在後

鄧弘治歐陽尚書授安帝禁中

光武

令恠譚授皇太子韓詩侍講殿中

永平初樓望爲

侍中入講省內召訓

字伯春

習韓詩建初元年侍講

拜左

中郎將入授諸王

永平九年置五經師張酺以尚書數講

御前論難稱意入授太子

酺子蕃以郎侍講

桓帝以楊秉

明尚書召入勸講

建和初議郎趙典侍講禁內

黃瓊

以選入侍講禁中

靈帝初劉寬拜太中大夫侍講華光殿

賜衣一襲後為太尉常令講經

洛陽宮殿簿云在華林園內洛陽宮殿

名曰華光在崇光殿北

楊賜建寧初侍講華光殿中後帝徙

南宮閱錄故事得前侍講注籍

所注之錄籍

乃感悟封臨

晉侯張濟侍講

獻帝好學荀悅或董遇孔融侍

講禁中旦夕譚論

漢講論經理 永平自講經藝 御講堂

說經

光武數引公卿郎將講論經理夜分乃寐幸太學會
博士論難正旦朝賀百僚畢會令羣臣能說經者更
相難詰戴憑重坐五十餘席樊準曰光武投戈講

藝息馬論道孝明垂情古典遊意經藝每享射禮畢
正坐自講諸儒竝聽四方欣欣召名儒充禮官如趙
孝承宮等或安車結駟或豐衣博帶從見宗廟燕會
則論難衍衍響如振玉期門羽林之士通孝經伊秩
訾王大車且渠入就學化自聖躬流入蠻荒議者稱盛時咸言

永平 桓榮傳幸太常府令榮東面設几杖會百官
及榮門生數百人天子親自執業曰太師在是永平
二年三雍初成拜五更每大射養老禮畢引榮及第
子升堂執經爲下說下語 帝自制五家要說章句
令桓郁校定於宣明殿東觀記上親於辟雍自講所
制五行章句復令郁說一篇

永平十五年三月幸

孔子宅親御講堂會皇太子諸王說經 永平十年

張興拜太子太傅顯宗數訪問經術 光武受尙書

於廬江許子威通大義召鍾興問經義善之詔令定

春秋章句 明帝十歲能通春秋事桓榮通尙書包

咸授論語

順帝時議郎蔡元講論五經異同

建

武六年拜杜林侍御史引見問以經書賜車馬衣被

漢讀書禁中

班固傳肅宗雅好文章固數入讀書禁中或連日繼夜前叙傳班旃以選受詔進讀羣書成帝召見

劉歆誦讀詩賦

司馬相如傳上讀子虛賦而善之

建武三十二年正月夜讀河圖會昌符

梁大同

中於臺西立士林館朱异賀琛孔子袞等遞互講述

唐太宗觀經史

貞觀政要七年虞世南遷祕書監太宗每機務之隙

引之談論其觀經史嘗謂侍臣曰每與世南商榷古今九年太宗曰正觀已來手不釋卷知風化之本見理政之源十一年李百藥曰日昃必命才學之士賜以清閑高談典籍雜以文詠乙夜忘疲十二年謂侍臣曰朕讀書見前王善事力行不怠陸贄曰太宗引文學之流更直宿於內署講求典禮諷誦詩書夜分忘倦

唐禁中勸講侍讀

開元三年九月戊寅

會要七月

詔左散騎常侍馬懷素與

右常侍褚無量更日侍讀

盧懷慎所薦

帝以讀書

有疑無從質問選儒學之士入內侍讀

官志立宗

選耆儒日一人侍讀以質史籍疑義置集賢院侍講
學士侍讀直學士儒學傳無量等勸講禁中天子
尊禮不敢盡臣之後祕書少監康子元國子博士侯
行果亦踐其選賞賚亟加而禮遇衰集賢注記開
元十九年三月命學士陳希烈王迥質康子元馮朝
隱等於三殿侍講先是講周易畢子元等各蒙錫賚
字更洪範圖列無逸孝經是釋月令是刊長慶
中侍講學士韋處厚等上六經法言二十卷賜金帛
文宗時侍講學士鄭澣稗經史要錄酬析無留賜

金紫

唐翰林侍講學士

韋處厚元和末爲戶部郎中知制誥穆宗卽位以處厚與司勳員外郎史館修撰路隋並充翰林侍講學士召入太液亭命分講毛詩關雎尙書洪範等篇訪以理體賜酒果 寶曆初崔郾以諫議大夫充翰林侍讀學士二年禮部員外宋申錫太和元年三月中書舍人鄭澣駕部郎中許康佐三年四月禮部尙書丁公著五年鄭覃開成七年十月國子祭酒高重充侍講學士 冊府元龜云元和之末始建學士之職

列於內署

後魏有侍讀

馮元興溫子昇邢昺李業興

侍讀

賈思

伯思同韓子熙

王吉曰廣夏之下細旃之上明師居前勸誦在後上
論唐虞之際下及殷周之盛考仁聖之風習治國之
道訢訢焉發憤忘食日新厥德 吳趙咨曰雖有餘
閑博覽書傳歷史籍採奇異不效書生尋章摘句而
已

咸平侍講侍讀

天聖

眞宗講席記

三朝講經

太宗日閱經史興國八年始用著佐呂文仲爲侍讀
尋升爲翰林侍讀寓直御書院每召讀經史

咸平二

年七月丙午以兵侍楊徽之戶侍夏侯嶠工部郎中
呂文仲爲翰林侍讀學士祭酒邢昺爲翰林侍講學
士按故事唐開元置侍讀其後有翰林侍讀學士
五代久廢太宗崇尚儒術由是命文仲侍讀寓直禁
中以備顧問然名秩未崇上適尊先志首置此職擇
耆儒舊學充其選班次翰林學士祿賜如之設直廬
於祕閣侍讀更直侍講長上日給珍膳夜則迭宿多
召對詢訪或至中夕八月壬子徽之等赴職賜宴祕

閣兩制皆預上作七言詩賜之 慶曆二年二月丁丑召中丞賈昌朝侍講邇英閣憲府侍經筵自此始 元豐五年省侍讀侍講學士但以爲兼官必侍從以上兼之秋卑資淺則爲說書元祐七年七月癸巳復增學士之號元符元年二月壬辰省紹興六年范冲爲之 天禧舊制侍臣皆賜坐講者別坐而聽乾興後侍臣先賜茶畢徹席立講畢復坐賜湯侍讀無所職但侍立而已自宋綬夏竦侍讀始今日讀唐書一傳又讀正說講日帝親書古賢詩或經書要言一二紙 眞宗自居藩邸升儲官命侍講邢昺說尚書

凡八席詩禮論語孝經皆數四焉以史傳有褒貶難
於講授退而觀閱罔不該詳既卽位咸平四年春詔
曷講春秋左氏傳五年秋乃畢天禧元年春二月詔
直龍圖閣馮元講易至秋九月終六十四卦以元奉
使北廷而止天聖元年四月辛亥侍臣以崇政殿閣
所講遺編來上命晏殊作眞宗講席記 景祐元年

五月九日侍讀學士李淑言三朝講經皆有舊式

太祖非時召王昭素趙孚說經書要義

開寶四年十
二月十三日

辛未召九經李符問經
義於內殿賜本科出身

太宗則呂文仲爲侍讀讀書

史訪外事眞宗首置侍讀侍講學士常令邢曷說經

夜直祕閣又置龍圖閣待制令參預講筵如戚綸陳
彭年杜鎬查道李虛己是也天禧初又令馮元說易
皆於每日視朝決事再坐之後還內宴憩方召說書
賜坐詢問不專講勸而已

邢昺在東宮及內庭侍上講說孝經禮記者二論語
十書十三易三詩左傳各一據傳疏敷引之外多引
時事爲喻深被嘉獎上問管仲召忽武王以安樂延
年昺不能對祥符三年五月辛巳手札曰朕向在藩
邸屢令邢昺講習諸書因記春秋息侯伐鄭

云云

景祐崇政殿說書

邇英延義閣記注